

嘉興府志卷五十八

嘉興府知府 伊湯安 重輯



列傳 九

平湖縣

明

沈琮字公禮正統壬戌進士授南武庫主事兼車駕職方武選三司遷守夔州改重慶皆以父母喪不赴再補廣州興學校正風俗勸農弭盜為他郡最值葉盛為巡撫言無不聽及盛移任琮即以病乞歸家居奉先專長教子弟有儀範鄉人化之著有石廳東宇等藁弟肆字公子弟有儀範鄉人化之著有石廳東宇等藁弟肆字公

嘉興府志

卷五十八

列傳九

貴號青壁景泰辛未進士累官山東道監察御史著有橋門柏臺等藁程朱語類父母喪琮肆廬墓六年日啜粥有白鶴時來棲止詔旌其門琮先世本烏程人元末有文俊者徙家海鹽之清溪琮其裔也宣德四年析隸

平湖縣

徵獻錄參柳志

馬璇

一作璇

字季明少時薛瑄見而奇之曰神韻雋遠必為

一代偉人以進士任行人歷使晉周楚蜀諸藩出使琉球餽遺無所受中山王為立却金亭擢御史疏奏蚤建儲謹災異飭武備防水旱上嘉納之書其名於御屏父昇見孝義兄子昆見下

徵獻錄參平湖程志

沈榮字元節以進士授工部主事知潮州以鹽稅入公帑
省正供歷延平臨江所至不畏強禦莊泉稱為清沈陞
貴州參政糧運軍餉裁制有方乞養歸著有熙貞集孫
璽進士歷知山陽鹽城縣垣見下
徵獻錄參分省
人物考江西志
倪輔字良弼以進士授吏部主事遷郎中改禮部陞湖廣
參政治峒猺以恩信卒官民哀之如失父母

許盛字昌世以進士授刑部主事歷員外郎擢四川按察
僉事蜀府莊戶侵民山田獄久不決盛勘實置法丁憂
起補分巡川北道僉事儀隴寇亂誅其首餘黨悉平改
川西上流羅泉諸井鹵丁憤所司徵不如令塞其井盛

至帖然復業轉雲南副使民有鬻銅者警家誣以盜礦
獄具瘐死已半盛辯釋之民尸祝焉
以上浙江通志參徵獻錄

俞迪字允吉以貢任廣東都司斷事性耿直指揮王江失
機監司惡指揮于某欲并坐之以屬迪迪不可乃止某
潛以千金餽却之迨歸某輓轍至含泣拜曰不敢忘大
德願以弱息奉箕帚迪曰以妻次孫可某益感結婚而
去
分省人
物考

陸綸恩貢生知夾江縣以廉稱署中器用出自里甲鋪戶
給還之羨餘一無所取丁艱歸築舍墓旁居之
平湖
程志

周衢字士亨景泰庚午舉人授膠州學正以禮率人諸生

有衣食不給無力喪葬者出俸助之罷歸肆力經史根
極性命之學所著詩文力追古人

分省人物考
參徵獻錄

陸銀字克潛由貢生授程鄉知縣縣屆山海多盜議者皆
以捕盜爲急銀謂與民未有恩信何遽勞民乃新學舍
以禮義勵諸生問民疾苦晝夜不息期年始團練義勇
間出勦斬獲常至千百盜相約無犯俗構訟以賂勝銀
絕私謁訟自息丁母憂歸號泣攀轅者數千人行至常
山哀毀致疾卒囊無一錢逆旅主人徐文育爲之棺殮
程鄉人設位巷哭立祠祀銀性至孝父珪患癱吮之而
愈母畏雷雷輒晝夜侍累贈副都御史子淞孫杰別見

兄子溥字文博諸生以貲授上海縣丞調豐城督運夜
過采石舟漏跪禱曰舟中一錢非法願葬江魚腹禱畢
漏止天明視之有三魚裹水草塞漏尋以亢直罷官歸

兩浙名賢錄參徵
獻錄鄉賢實錄

過璘字太璞少喪父年十九猶市販一旦棄去力學成進
士授工部主事出督呂梁洪河道復分司濟寧閘大爲
三原王恕所知改刑部主事有以妖言誣人至死連及
數十家璘勘出之陞江西按察司副使豐城李民泰陷
平民兄弟三人爲盜繫獄十年得其情釋之坐民泰尋
致仕歸

分省人物考
參平湖朱志

屠勲字元勲以進士授工部主事遷刑部郎中京師無賴子李勝令人誘其主李福盜鑄而已首之福坐戍邊籍其產歸勝勲覆勘得實以其罪罪勝值大旱因建言陰陽不和由於刑獄不清輦轂之下尚須平反况在外省請遣部臣卹刑獄從之累陞右副都御史巡撫順天永平諸路邊備上言近畿供應浩穰宛大二縣庫夫壇役旛夫羊水瓜戶役動數千而計丁養馬與各縣等尤困乞加存撫又奏密雲孤懸戍壘難援潮河川積石漫衍難守黃花鎮先帝陵園宜護乞分薊州密雲建昌連設三屯烽火相應于潮河川作周城虎落具躡石布蒺藜

鑿坑窖而于內塏石爲城增置黃花鎮營堡禁中使索供銀魚罷麻峪采礦又奏移操營于熊兒峪移關於水峪使兵得水草又便耕稼歲省卒戍公私金錢不貲遷刑部侍郎壽寧侯張鶴齡與民訟田勲曰母后族與細民爭尺土非國體歸田于民正德元年上郊祀籍田幸學三事請講真德秀大學衍義爲正心之要時上年少務嬉遊卒有劉瑾江彬之亂人服其先見進尙書劉瑾用事乞奏請必先關白勲曰若是是無朝廷矣瑾銜之引疾求去加太子太保致仕卒賜祭葬諡康僖著有東湖遺稿子應埴應坤應竣俱進士應埴湖廣提刑副使

應坤雲南參政應垓見秀水列傳

浙江通志參徵獻錄

沈珪字廷瑞以舉人授延平府推官改安慶有清望上官

至不敢責供張子鐘黃梅教諭孫一卿宗人府儀賓尚

荆王崇明郡主

徵獻錄參平湖張志

屠熙字元明以舉人授武昌府推官有盜久弗決俱年未

三十熙曰此獄越十八年矣盜時年纔十二三審出之

陞江西建昌府同知益府中人籍民貲戶派借銀責重

息諭以利害遂戢改南直太平知府卒子奎字文奎御史

巡視江西剪戢宸濠黨與復累疏其不軌終江西參政

奎別見

徵獻錄參平湖程志

嘉興府志

卷五十八

列傳九

陸愈字抑之以進士知江都縣躬歷窮僻鄉里詢民疾苦

瀕江田已盪為洪波稅額不除淤沙可耕率為豪右估

馬多領牧于無丁產者悉為節約均賦歲凶民多鬻子

女于江南捐俸并公餘錢贖還幾百人每新穀未登輒

發舊廩以接民食巡撫李某籍所部羨銀十數萬將上

之特請留以活窮民又教民開渠建閘備旱澇奏置巡

檢司為縣控制召拜御史巡按四川鋤豪強發諸姦伏

上自藩邸下及羌酋咸凜凜莫敢縱大修成都郡學創

養濟院於營昌出成案之不能生者亡慮百十以盛暑

按部得疾卒

徵獻錄參分省人物考

馬昆字克昌以進士知永新縣峒獠入境肆掠禽其首平之隣縣民構訟二十年不決以屬昆片言折服縣有商稅令易粟實常平倉擢山東道御史出按兩淮鹽課酌其贏羨以賑饑值河溢以餘鹽易價充築堤費准人立祠尸祝遷雲南副使進本省參政卒官徵獻錄參平湖程志

馮俊字世英以舉人任館陶縣教諭人罕知學俊爲句授字解捐俸資給之遂有以科名顯者擢知獲嘉縣大璫張永征安化所過騷然俊言民力不任供億永斂容謝調遂平遂平故無城有賊寇俊匿母妻山中而身率丁壯畫地而守人皆感奮殊死守賊不敢犯事平乞歸祀

名宦贈山東參政

分省人物考參徵獻錄

陸淞字文東進士授禮部主事歷郎中時藩國多踰制請乞淞格不行倭使宋素卿賂奄人劉瑾求數入貢淞上疏言非中國利且素卿本寧波人潛通外島以邀中國請誅之瑾怒中淞他事下獄瑾敗遷光祿少卿歷南鴻臚卿上疏陳九事極愷切尋陞南光祿卿致仕卒賜祭葬淞接人甚溫及臨事毅然不可奪自奉儉約好周恤故舊宴客酒七行卽徹有東濱集累贈刑部尙書子杰

杲並有傳徵獻錄參吳志

曹瓊字玉夫以進士授御史貴戚有投千金乞置讐家于

辟正色却之尚書劉大夏論人才謂諫臣中如曹瓊當大用無何卒子乾六歲孝宗時以神童舉試宮中賞賚

優渥元舉人

徵獻錄參平湖程志

施震字亨甫以進士知固始縣行取補太僕寺丞出守石

阡俗皆誅茆為屋令儲水備火忤劉瑾乞歸

浙江通志

沈煉字剛夫以進士歷任江西參議所至豪右屏息墨吏

輒自引去值寇警煉以文臣飭武事身赴險難卒撲滅

之子圻字子京以進士除江西道御史以忤當道降高

郵州判陞休寧知縣歷陞貴州參政投劾歸

徵獻錄參吳志

屠珪字文治以進士授常州府推官擢雲南道御史巡按

嘉興府志

卷五十八

列傳九

七

廣西歲饑設法糴運增價招商多所全活招降諸瑶寇

賜金幣世廟入繼大統議考興獻皇珪六上疏力爭轉

山東副使致政歸杜門不入城市三十六年

劉志

潘鵬字惟遠以舉人授肇慶府通判有清操不滿考自劾

罷歸貧甚授徒為活學者稱東淵先生同時李萼字剛

甫亦以理學自命不苟取與以為聖人可學而至嘗作

克念圖說司業沈懋孝為作兩介士傳

徵獻錄參檇李詩繫

孫璽字朝信以進士除興化知縣豪徐恩以貲為本縣千

戶與其宗人交賂權貴橫行無忌璽至廉得奸狀先懲

其宗人翼日百姓以恩殺人攫財告鞠實併其宗人皆

抵死大水傷稼上官不為請卽自奏聞詔許減田租之半轉揚州府同知寧庶人攻安慶璽守儀真捕殺儀賓之為賊謀者陞山東按察司僉事奉敕丈皇莊草場凡中官貴戚所漁奪者悉還民調雲南參議麗江土官爭金沙江相讐殺璽會勘土官賂同勘者因以賂璽不能動卒奉約束如故移巡大同兵備吉囊入寇斬首多叙贊畫功賜金罷歸以子植贈刑部尚書植有傳

平湖顧志參唐

順之撰墓志徵獻錄

陸琳字文珮以舉人授清河知縣歲祲撫濟全活數萬俗不譖紡織乃教之為車機有兄弟訟久不決琳諭以義

感泣相讓擢廣東道御史巡按四川都指揮劉永昌倚武定侯郭勛權勢與蜀府訐奏按實致永昌罪補河南道論罷中貴姻亞墨吏繼劾權黨邊將張麟怙勢不法事不報出守江西撫州府尋乞歸著有蘭臺疏稿忠弼堂稿巡川條例賑荒事宜子山寶宓

姚參

榜姓張

字應辰以舉人授上饒教諭擢知宜春縣出穀

賑饑興利除害又請減茶貢費十之九寧庶人之變王守仁檄參應接事平調桐廬尋擢工部郎中乞歸子篚別見簞笈並舉于鄉孫體信進士官參政

以上分省人物考

趙漢字鴻達以進士授建昌推官錄重囚必察其冤不拘

成案擢南戶科給事中改兵科中官崔文亂政尚書林俊劾之被旨詰責漢因發文不法狀請行譴不納已哭爭大禮論列張璫桂萼所奏十謬詔繫獄廷杖歷吏科給事中以疾去起故官遷工科都給事中疏言內閣桂萼翟鑾稱病三月未嘗以曠職辭張璫久專政權亦未聞引賢共濟乞諭萼鑾亟去簡用兩京大臣及家居者舊復被詰責尋出爲陝西參政告歸久之以故官起山西不數月復致仕著有漸齋集

明史劉世揚傳參兩浙名賢錄徵獻錄

林桂字天芳以進士授刑曹執法忤權貴下御史獄世宗入繼詔拔淹滯超授禮部郎中子雨別見

徵獻錄參分省人物考

陸杰字元望以進士授兵部主事轉員外郎中武宗南巡與黃鞏陸鎮伏闕極諫廷杖陞湖廣參議歷陞陝西鄜延副使榆林告急上遣總兵某往援至則屯兵綏德不進杰率屬下梁張諸將擊退之遷廣東左布政使安南不庭毛伯溫督討杰偵得安南陰事謂可警服不煩用兵伯溫以聞安南王莫登庸果上表請罪遷僉都御史巡撫湖廣世宗奉章聖太后梓宮南祔供應浩繁杰處分若素定民以不擾督山陵工請乞留正供爲費又乞捐所過郡縣租稅俱報可修復江漢長隄二千餘里卽本官進工部侍郎轉副都平鎮溪苗亂又討平邵陽妖

賊爲大璫廖斌誣奏致仕久之御史王應銓疏薦以原職名還工部卒贈尙書子光弼蔭授都督府都事孝友

能文章曾孫鼇 兩浙名賢錄 參徵獻錄

劉玘字廷璧以舉人知五河縣歲大饑設法賑濟全活數

千人復卽家運粟補其不足務端俗尙興教化先是縣

令姜某有循績民爲之謠曰前姜後劉吾民以休擢刑

部主事卒祀名宦 分省人物考 參徵獻錄

陸槐舉人知萬年縣民有兄弟相訟置不理久之召與語

爲說棠棣之詩及脊令在原曰鳥亦有兄弟况於人乎

兄弟感悟訟遂解祀名宦 平湖程志

嘉興府志

卷五十八

列傳九

陸鼇字子任九歲淹貫名理人稱小象山以舉人授臨江

府通判時江盜橫甚鼇單騎諭降之而巡撫吳某意主

勦鼇爭之不可曰殺人媚人鼇不爲也吳悟乃止督糧

使者至索金不與怒甚及察其實貧歎服慙謝去署新

淦大旱徒步禱於蒙山刻期雨至遷南康同知累贈江

西巡撫右僉都御史 徵獻錄參 平湖程志

姚篚字希實以舉人授廣信府推官城玉山置戍分水溫

陵等處弭礦徒山賊遷守宿州招撫流亡給牛種墾田

四千頃贖鬻子女幾千人捐宿逋二萬五千立社倉備

荒教民機杼資衣食累陞貴州僉事乞休卒贈太常寺

卿吳志參平
湖朱志

孫校字右文進士初授工部主事出督荆南關稅革羨餘
轉兵部武選司郎中孤行己意忤嚴嵩謫廣東市舶司
歷陞四川副使出淹繫撫豪會與農講武平徭役暇則
肩輿問風俗禮賢訓士以疾歸

馮汝弼字惟良以進士授行人遷工科給事中巡視光祿
及盛甲厥劾巨璫張時等乾沒又劾冢宰汪鋐怙寵不
法鋐罷汝弼謫潛山縣丞轉知常熟縣築葉蕩等閘立
法均田減耗數萬調餘千覈清倉粟備荒巡鹽役爲盜
捕按之如法遷知太倉州劇盜聚江海間前守不能詰

嘉興府志

卷五十八

列傳九

十一

設方畧禽之歲禮部使者出督逋稅旣去置弗徵陞揚
州府同知未之官以前逋稅論調遂乞休值倭警請督
撫城平湖首輸爲衆倡又築漢塘五十四里土石橋堰
四十餘所歲葺之縣災賑米數百石瘞殍立義冢戚族
貧不能婚喪者代舉之卒縣人請特祠祀累贈山東參
政有補備遺錄紀建文時事祐山集十六卷

以上徵獻
錄參平湖

程志

俞咨伯字禮卿以進士授工部營繕主事歷屯田郎中時
貴戚武定侯郭勛專橫咨伯執法不少徇出知永州府
歲饑請賑尤加意學校諸生邱有岳貧不能婚爲捐俸

娶婦卒登第遷河南副使提學山西

徵獻錄
參吳志

王梅字時魁以進士改庶吉士除刑部主事建昌侯張延齡得罪下獄主事沈椿以貴戚不令人重獄及梅受事世廟聞之大怒先後主事二十二人皆下獄議杖梅謫

滁州判官梅能詩有柘河遺稿

馮祐山集
參徵獻錄

趙伊字子衡漢子以進士授刑部主事蒞事精敏胥吏不得竄刀筆陞南兵部職方司郎中巡江指揮縛大盜至具言夜所以格鬪被創後乃禽獲狀伊勞之退徐執盜訊乃知良民爲賈者抗官兵之真盜已逸去矣召所居什伍相保者問之言皆合遂釋轉武選司時有要路故

人夜持兩囊金以贈云得自某冀有所請伊斥之中山王後徐某以傳奉官錦衣法不得襲附巨璫曲得上旨伊爭不納乞還久之起車駕司置郵關符禁嚴貴臣皆痛嫉遂出爲廣西按察副使乞終養歸再三召卒不起伊初刻意詩文後聞性命之說遂求見諸躬行不以論說爲事著有序芳園稿子三邦秩字元敘以進士授海門知縣均賦減戍築呂四堤開鹽運河以勞卒官士民祠祀邦程字元憲蘇州府訓導遷連城教諭邦黍字元美舉人任江西南安府推官多平反權關南贛溢額四千餘金佐公帑以母老乞歸邦秩子琮字伯裕舉人署

高陽教諭著葩經約說十卷

劉志參
徵獻錄

陸山字子周以貢選臨清州判遷知阜平縣以水患逋賦力請奏免調夏津入爲光祿署正歸著孝經正義太極直解子萬源字天澄以鄉貢授光祿署正父病請以身代居喪廬墓周卹親族婚葬五舉鄉飲孫太柱字平治

太學生

徵獻錄參
平湖程志

陸炳字文明武進士祖埤以軍籍隸錦衣衛父松襲職選儀衛司典仗世宗繼統松以從龍累官後府都督僉事松卒炳襲署指揮使護駕次衛輝行宮夜火炳入烈焰負世宗出自是愛幸又以緝捕功累擢都督同知炳驟

嘉興府志

卷五十八

列傳九

十三

貴仇鸞得寵陵巖嵩上獨憚炳炳結其所親愛得鸞陰私及鸞病亟炳盡發其不軌狀鸞憂懼死加少保兼太子太傅尋劾中官李彬與其黨杜泰三人論斬籍其貲加太保兼少傅掌錦衣如故炳頗結權要然周旋善類亦無所吝帝數起大獄炳多所保全折節士大夫未嘗構陷一人以故朝士多稱之者卒贈忠誠伯謚武惠襲指揮僉事後言官追論奪爵尋錄其孫遠仍錦衣千戶

世襲

明史本傳
參吳志

沈垣字子完以進士授大理寺評事歷寺正錄囚廣西出冤濫甚多諸土司饋遺悉拒之長官固以請乃取一膠

槌懸之平樂公解中粵人至今謂之懸槌館焉補惠州知府事至立判錢穀出入上官不得撓其權獲和平劇盜李鑑又條郡中利弊數十事上制府卒番禺官舍祀名宦子維鏡字西野諸生鬻產構書著有霏玉漫吟徵獻

錄參平

湖程志

孫植字斯立以進士授刑部主事官潘珍從子怙勢爲奸利都指揮揚起昕乾沒慈慶諸官費悉正其罪終養歸起補兵部歷光祿少卿祠官祝釐費多不經植爲簿正歲省大官數十萬巨璫耿清日之爲鐵人尋擢右僉都御史出督河道時三殿工興漕渠久旱大木漕艘不

嘉興府志

卷五十八

列傳九

十四

前河流且北徙衆議歲增淺夫植以民疲已極力止之轉刑部侍郎值邊警京師敕守崇文門時孫某守外城以調兵不至劾本兵楊博植知博素習邊事止其疏而亟遣騎趨發兵轉右都御史訊巨閹王采邢保張進朝等盡法不少貸三乞休不許魏國公徐鵬舉無適子幼子邦寧詭稱其母鄭爲繼適請封復賄助教鄭如瑾萬金謀奪爵事下南法司植謂當嗣庶長魏國溺愛宜罰鄭氏詭封追奪如瑾削籍時高拱再起修隙遷怒於植給事中王楨遂希拱意誣劾以訊報不詳奪職未幾起工部尙書辭不赴卒賜祭葬贈太子太保謚簡肅子成泰

見下

陳善道字敬夫以舉人知德安縣繕城備流寇諸豪惡為奸者悉以法繩之通判廬州掌錢穀出納羨餘悉以歸庫轉松江同知乞休布衣蔬食如故孫泰來見下

陸杲字元晉以進士授刑部主事出為漕運理刑與漕臣忤會漕臣罷亦去官陸氏自唐宣公後為巨族杲倡族置田八百畝屬景賢祠歲收其入以周族人曰族田又置田五十畝屬世德祠昇宗子供祭祀曰祭田設塾集里族子弟置田二百畝以給稍廩曰學田宗族日繁更徭不支置田三百畝分贍之曰役田嘉靖中島夷內寇

嘉興府志

卷五十八

列傳九

十五

捐貲佐築城一縣賴之累贈刑部尚書子光祖光祚見

下光宅見孝義

以上浙江通志參徵獻錄

姜學夔字一臣以進士授龍泉知縣調平谷多惠政召入為御史忤劉瑾謫南都察院經歷出為湖廣兵備僉事瑾中以他事罰米百石遂乞休屬吏贈遺無所受歸設義塾講明知行合一之理置義田以賑鄉黨宗族稱其賢

徵獻錄參姜氏族譜

曹禾字世嘉父渭以掾為驛丞禾以進士知鄱陽縣入為工科給事中奏請調浙直被倭郡縣田租從之進工科都給事中尋坐累外謫遷松江府推官歷知韶州府孫

徵庸別見

徵獻錄

俞乾字一清幼稱神童性至孝居喪廬墓三年以進士授刑部主事勢豪犯重辟者夤緣中貴人賄請拒之嚴嵩傾夏言論死乾適監刑西市憤鬱仆地移時始甦遂乞歸衆憐其貧贖之悉不受楊繼盛贈以詩抵家二日卒

浙江通志

參吳志

陸光祖字與繩年十七與父杲同舉於鄉以進士知濬縣秋潦傷稼撫臣以非時不報光祖力爭得蠲租縣大俠多通盜光祖悉錄爲義兵度其魁李以平必畔將入覲授計縣尉已果肆掠遂擒之有富民誣陷重辟相沿數

嘉興府志

卷五十八

列傳九

六

十年以其富莫肯爲之白光祖察其枉立出之又清內鄉王佔田還民封邱王私販下其奴於獄行取入都從帥炳於光祖爲宗人欲引居言路辭引爲吏部復辭補禮部祠祭司主事改吏部文選守法不徇忤中貴爭毀之落職起祠祭司轉儀制守陵中人張方進甘露知縣吳府上方藥皆抑不進內閣徐階以嚴訥爲吏部遷光祖驗封郎中改文選擢海瑞爲言官登進者碩幾盡又破格擢王化等九人御史孫丕揚勘光祖專擅翌日遇丕揚於朝揖之曰公所論極荷相成但黜陟不由獨斷引嫌徇私何所底止丕揚沉思謝曰吾過矣卽日自劾光

祖卒削籍揚一清還吏部起南太僕少卿晉南大理寺正卿外艱服闋以故官起陞工部侍郎病歸旋起南兵部侍郎改吏部初與內閣張居正善及居正柄用自恣乃乞歸再起南刑部尚書改吏部論巨璫張鯨不法狀又舉許孚遠顧憲成等二十二人以風吏治既以推用饒伸萬國欽忤旨乞休不許會推閣臣廷臣首光祖名詔報曰卿向有疏復會推舊制今卿果居首光祖方懷去志尋乞歸卒贈太子太保諡莊簡光祖少有大志嘗書以天下爲己任於座右接人一以至公無藏怒宿怨卒之夕海上星隕如斗擊地有聲子基忠字伯貞以廕

授兵部司務遷刑部郎中治指揮鄭光耀獄妖書事起中禍於禮部郭正域人皆引避基忠獨周旋狴犴間基恕字澹園以廕任工部郎中基志字季高詹事府主簿創惠宗祠益置田贍族明史參徵獻錄李詩繫案忤旨乞歸而史於此事則云乞休不許後因薦王時槐王樵等給事中喬允劾之乃力求去此當以史爲正其他與史小異及史所不載者悉采入備攷

韓弼字汝良以進士知豐城縣陞南昌知府值景藩就國以羨餘供應民得不擾袁州散卒千餘人懷異圖詭稱投充入伍弼力排羣議却之萍鄉流賊剽掠近境夜銜枚躡之就禽轉布政使參政罷歸子子祁見下分省人物考參

徵獻錄

曹光字原實以進士授中書舍人遷福建道御史嚴嵩柄國光以諫開馬市廷杖謫湖廣都事陞南禮部郎中歷福建運使所至以清惠著歸杜門著書人罕得見子繹

祖見孝義

吳志參平湖朱志

陸光祚字與培光祖弟以進士授兵部主事中貴戚畹奴隸竄籍者盡汰去邊烽起輒匹馬馳矢石中等畫尋補禮部歷三司隆慶間三疏請皇太子出閣講讀詔取光祿銀十萬抗疏止之慮宗祿不支請限服制開生業嚴法禁又以諡法錫典過濫奏爲條例肅懷王無後族人

嘉興府志

卷五十八

列傳九

十六

越序乞嗣固爭不與南陵王絕周王覲獲遺貲疏請補宗室祿忤柄臣出爲湖廣副使督學陝西光祚爲人亮直篤厚所生母卒故事無去官持服者光祚以請不俟報可而行事兄如父買妾知爲故家女厚遺遺還有湛庵遺稿

劉志參徵獻錄

陳九疇字天錫以舉人署昌平州學正遷知平鄉縣值水災賑濟有方移保定府通判有清名轉知上石地多土司撫勦互用帖然感服以老乞歸

馮敏功字元卿以禮部郎參議江西弭南豐兵變陞徐州副使河決睢寧數百里敏功晝夜并作工且就風雨彌

旬水復齧邳州城解衣囊沙捍之吏民感激爭効力所
治築凡二百八十里遷山東參政抗議泐口膠河不可
開忤柄臣自引歸起督漕于淮邵伯寶應高郵三湖相
連爲巨浸漕舟每患漂沒因議濬內河運之敏功晝督
濬夜閱訊牒又馳督漕舟自徐濟七晝夜昏絕已稍蘇
復出治事病革叩家事張目不答適同事羅某至謂曰
內河於國計甚利但逼於湖湖善潰堤薄必別築護堤
不卽數百里魚鼈矣命子伯禮曰吾死有賻歸之官以
佐堤乃與敏功性孝友父嘗卒邁盜冒鋒刃出之愛弟
敏効甚篤敦恤里閭鄉人祠之贈太僕卿

以上徵
獻錄

俞南金字國良以進士授刑部主事出張仁沈清伯于獄
守常德水災捐俸瘞骸固築隄防民以全活榮藩欲廣
莊田遺千金不受稔知饒明德冤忤權貴出之再守馬
湖瑤夷叛單車諭降調思南府致仕孫喬桂字元芳進
士知潛山縣出沉獄除巨猾捐俸建石梁創義冢以病

歸

徵獻錄參
平湖朱志

張大忠字國禎以進士授刑部主事守廬州除合肥巨奸
勦平英霍山寇歲旱出粟賑濟遷陝西副使屢遷本省
布政使藩邸多踰制奪民間女爲妾釐禁之改雲南乞
養歸從兄大雅字心宇舉人授海門知縣著有易卦緯

論四書衍義 徵獻錄

陸萬鐘字天與諸生好孫吳兵法會倭入寇萬鐘出禦多

禽獲倭攻桐鄉設方畧却之事聞授泰安州判歷陞潞

安州同知 平湖程志

馬千乘字國良兒時母疾禱天請以身代以進士知分宜

縣陞南兵部主事歷廣東僉事會兵討平羅榜山盜賜

金幣陞四川參議乞歸十餘年起湖廣參政廣東按察

使黎叛入海諭降皆曰此昔平羅榜使君也羅拜乞降

海南曠地數萬畝墾為田賦額以紓廉州珠禁甚峻劉

直指欲弛子民千乘曰民難與賊爭利而賦累無已力

嘉興府志

卷五十八 列傳九

持不可歸不復出 浙江通志參徵獻錄

陸萬垓字天溥以進士授福寧知州有倭寇當事議增賦

力為節縮歲省金六千有奇歷刑部員外郎中守梧州

招撫叛夷數萬置東安西寧二縣會滇緬大訖遷雲南

兵巡副使躬冒矢石下隴川禽岳罕收反卒尋以僉都

御史巡撫江西去煩苛絕餽遺築圩千頃創社倉法兩

值大祲全活無算母老五乞歸不得聞訃以哀死贈右

副都御史著知非小鑑十卷 徵獻錄參福建廣西江西通志

孫從龍字化光以進士授行人轉刑部郎中以慎刑稱陞

九江道乞歸杜門課子蔬食布袍終身不厭 吳志

陸志孝字仁卿以進士授廬州推官入爲刑部主事乞南
改吏部歷郎中丁憂起復入爲刑部主事出知九江府
補衡州歷高州調延平府歸著有寓黃集袁志參
徵獻錄

楊府字見山舉人任滄州知州移寧州有惠政後里居力
助築城禦倭析縣後利弊因革均資經畫著有經書講

言醫學搜精吳志

倪壯猷字華芳以舉人授宜興教諭陞江浦知縣請復置
東葛驛以甦役困江行多患飄沒開新河五十里涉者
便之陞南刑部主事歷貴州僉事紅苗反上勦撫機宜
築思南鎮遠諸城添設平頭印江兩營守備兵尋禽苗

嘉興府志

卷五十八

列傳九

三

首上救銅八議陞雲南兵備副使黔國莊田私徵爲民
害請下郡縣代徵著爲令置養馬指揮秦乙清于法黔
國不敢撓討隴川都安民禽營虎狸揚阿者所在祠祀
有救浦救銅平隴合集徵獻錄
參袁志

洪烝字惟進以進士知陳州嘗輯治畧三十八事奏停解
京俵馬三百餘匹又議減河北歲派驛費治稱最終吏
部郎中有來鶴軒稿徵獻錄參
平湖朱志

李嫌諸生好任卹排解所至輒殖千金隨手散去由貢官
穎州州判以廉能調滁州河工告績乞歸會知縣劉士
瑗丈田人莫敢議嫌與抗論士瑗怒嫌不爲動卒從之

平湖
朱志

韓子祁字心堯以舉人為贛州府推官教民植木棉習紡

織上官以意入人罪子祁不從左遷蘇州通判移道州

知州有醢雞集

徵獻錄參
橋李詩繫

孫成泰字允交以進士知道州州市販者例輸稅于官革

之陞蘇州同知興水利督楊林奚浦諸役入為刑部員

外尋出知邵武府首崇文教歲饑先賑後請全活甚眾

以忤上官乞歸起知大名府府有公田供守令以下支

給成泰捐之學宮擢分巡道副使復以忤撫臣歸

平湖程志

參福建
通志

嘉興府志

卷五十八

列傳九

三

馬應圖字心易以進士授行人陞禮部郎中以疏救趙用

賢劾科道孫愈賢齊世臣等朋比阿徇妨賢者路井及

首輔上怒降大同典史移知封邱縣尋復刑部主事引

疾歸應圖在官廉潔不苟取一介居家日釜炊常不給

嘗為鄰人白當事直其訟贈以米受之既而見有金置

米中并其米還之事繼母孝聘妻有癩疾或勸別娶不

聽後贈光祿少卿

平湖程志參
分省人物考

陳泰來字伯符以進士授順天教授進國子博士執政與

言路相水火上書規之坐是五年不調郎中馬應圖上

疏譏切執政又力詆給事中齊世臣等忤旨謫典史給

事中王致祥等希執政意復連章劾應圖且言疏奏出泰來手應圖既貶不問泰來引疾歸起禮部主事進員外疏請建儲不報會大學士王錫爵赴闕旋有詔暫虛儲位並封三王泰來上疏力爭且面折錫爵于朝旁觀悚慄卒寢封議尋以疏救趙南星謫饒平典史卒後三十六年追理建言國本諸臣贈光祿少卿著有員嶠集

明史于孔兼傳
參樵李詩繫

馬維銘字新甫以進士知南直隸太平縣攤畝稅以輕正額又請豁黃山虛糧入爲兵部職方司主事督山海關別諸冒濫上之著爲令有史纂彞提編徵獻錄

嘉興府志

卷五十八

列傳九

三

陸長庚字元白以進士知廣德州核汰田賦浮額又奏免緞價及煤山採貢課農桑濬渠建倉繕學宮置田以給諸生之貧者陞刑部員外郎勘巨璫邢尚智獄分巡下湖南道調廣西桂平道徭首韋扶仲出沒荔浦大殺掠時用兵三萬五千費餉十二萬長庚請畱兵三千守荔浦城餘盡撤去賊懈長庚密遣副使童元震夜至白馬冲襲獲其妻女扶仲出追佯却又追墮伏中力戰脫去則荔浦兵已扼其歸路遂禽之播酋楊應龍反遷湖廣按察使提兵扼水陸應龍平遷江西左布政使請捐南昌府門稅改折京絹又以大水請弛長河魚禁甦民困

值宗祿不給宗屬千餘人噪於衢長庚出存積羨金二十五萬補之陞應天府尹司庫進羨累萬却之移貯藩庫判還徐鼎彝被奪蘆洲二萬畝豪強屏息遷南通政請禁私鑄忤時貴乞還所至祠祝卒賜祭葬著有陰符經參同契疏體仁編子啟鏘字開雍諸生孫溶睿別見

徵獻錄參江南江西通志

戈用泰字來陽以進士知涿水縣稅重民困歲又饑悉心撫字會有採礦之役以身扞民罔所避忌入為南刑部郎中乞休終養著有適適軒集

浙江通志參分省人物考徵獻錄

陳九韶字宗舜以進士任刑部主事出知廣信府會中人

嘉興府志

卷五十八

列傳九

十四

潘相開礦擾民繪圖陳疏得寢民立祠祀終湖廣參政

徵獻錄

馬明瑞字道楨父汝賢舉人有印湖集明瑞以舉人就上虞縣教諭遷景州知州有惠政以艱歸起補德州築堤防備預荒政陞工部員外廣寧失守督造軍器有勞論罷歸從子啟賢諸生

平湖朱志

陸錫恩字伯承以進士知萬安縣時礦稅起有以回青石膏利啖中人者錫恩械之以計令黠者發土皆砂礫遂罷縣設戍備賊守弁牟削衆譁縛弁錫恩單騎馳問狀下弁于獄杖倡亂者一軍帖然陞刑部主事尋乞歸卒

贈刑部員外有雙鳧草傳書堂集子澄原別見

平湖程志參朱

志

馮伯原字起寰以拔貢授上林苑丞陞鬱林知州有惠政

忤當道歸

吳志

施時堯字念同少極貧有志節以舉人就太倉州學正陞儀真知縣鹽販為好盜鋤其魁閭里肅清擢武昌府同

知力辭歸

平湖宋志

金汝礪字啟心以進士知福安縣有清節遷南工部主事出督龍江關稅還理屯務裁板坊脚價數千金中人怒之不為動江南水潦淮東亢旱條上救荒事宜因著荒

嘉興府志

卷五十八

列傳九

三五

政錄出知真定府罷歸汝礪性至孝父疾禱于天乞以身代以母慈居官不施鞭扑

徵獻錄

趙維寰字無聲以舉人署海寧教諭陞南國子監丞與上官不相得欲挂冠去上官謝之乃解擢刑部主事疏劾撫寧侯朱國弼不法轉郎中與刑部尚書甄淑訐奏坐是奪職杜門著書以終維寰宋宗室與詔後曾祖彰諸生有隱德嘗入太學吏部某故與彰善欲為延譽謂可即得官彰謝之不試而歸

平湖宋志

金汝諧字啟宸以進士知婺源縣擢御史章數十上不顧忌諱援劉光復劉文炳參吳道南李三才及織造御馬

諸監尤人所不敢言著有理學訓歷代名宦芳躅徵獻錄參

吳志

過庭訓字爾韜以進士知江陵縣勘楚藩佔淤田數萬畝歸諸民遇大政疑獄集紳士詢之或親造其門陞雲南道御史管理屯田福王以備邊子粒改作莊田抗疏爭之出清馬牧劾橫璫邢洪高案等因疏請撤稅監又請起廢如鄒元標趙南星等出賑山東招流民廣粥廠弭饑民亂又請截雷漕米四十萬石備賑挺擊事起疏請篤慈孝以釋亂萌又以廷臣持門戶相攻極陳其弊畧曰諸臣章奏是非公私一檢發可立辨惟因一概畱中

嘉興府志

卷五十八

列傳九

三

混無區別醞釀至此連疏不報丁憂起尋引疾歸後陞順天府丞未任卒庭訓講濂洛之學南都從祀程子祠著有聖學嫡派性理翼明分省人物考徵獻錄參湖廣通志

劉廷元字方瀛以進士知南海縣濱海田少賦繁請覈實以蘇民困擢陝西道御史疏請東宮講學遣福王之國并劾福府莊田踰額非制又劾盧受高案等不法狀歷兵部尚書從弟文元貢生任袁州府通判平湖朱志

姚士慎字岱芝以進士入翰林改吏科給事中疏諫開礦忤旨謫福州府經歷尋調順天府丞進左通政魏忠賢擅權謝病歸崇禎初起大理寺少卿論救給事中惠世

揚出獄奉敕推勘奸黨以六案定罪遷南太常卿疏陳宏聖學核邊才培元氣凡五事上嘉納之晉南刑部尙書致仕卒予廕賜祭

徵獻錄參 平湖朱志

胡士相字端甫以進士知弋陽縣陳利病十事陞刑部主

事丁憂起補工部治張秋河道清復水櫃疏源滌流為

治河功最白蓮賊起嚴城守禽其渠魁守湖西寢奸民

開礦止衆建魏忠賢祠請謁袁州積邁建義倉興學校

陞廣西按察丁母憂歸卒

徵獻錄參 江西志

施鳳來字羽王先世徙自湖州父應垣見孝義鳳來由編

修起南司業累陞禮部侍郎晉中極大學士乞歸賜銀

嘉興府志 卷五十八 列傳九 三七

幣廢一子尙寶承子日升字叔允以廕補內閣中書冊

封長沙王却贈金有使楚吟燕河漫錄等集孫鉉字公

遠以貢任義烏訓導補平陽乞養歸

平湖朱志

陸鍵字實甫萬垓子以進士授建昌府推官署南城縣事

均糧役卹馬牧清理漕運議置盱江書院于南昌集旁

近三郡諸生肄業給田養之行取俟命輯累朝名臣奏

牘尋卒著有尙書四書傳翼

徵獻錄參 江西志

徐調元字相之以進士知南陵縣值大水度地勢築圩壩

歲饑捐俸施粥全活萬計乞改紹興府教授入為國子

監博士歷刑部郎中出知廣信府道卒

徵獻錄參 平湖朱志

馬德澧字澹真以進士就寧國府教授陞刑部郎中挺擊事起與王之案議合忤旨慈慶宮引見御史劉光復以陞呼觸上怒欲置重辟德澧據律改奏對失序宜薄譴復忤旨降山東鹽運司運判道卒子嘉柱詣闕訟父冤得贈太常寺少卿嘉柱廕授光祿嘉柱字擎臣歷刑部員外疏糾御史踰冬至日刑孫紹曾見下

徵獻錄

曹孔榮字豫仁父大有諸生孔榮以貢知天長縣會游饑竭力賑濟立輸穀墾田諸法月朔望進諸生講學丁憂起補雞澤縣革俗訂訟縣無志創修之

平湖程志

劉希夔字虞章以貢授連江知縣調齊東招輯流亡給牛

嘉興府志

卷五十八

列傳九

三

種勸耕

平湖朱志

周翼明字季醇乍浦所軍舍以武進士授昌國把總賈舶失途至同事欲誣以盜翼明持不可遂被讒歸歸二年起署金盤歷臨觀倭犯溫州翼明入大洋抵莫山逐之討建州領浙兵為都督劉綎先鋒由寬甸深入破牛毛馬家深河古火狐狸十五寨至橫壤兵潰戰死賜祭葬贈都督僉事建慰忠祠蔭乍浦所百戶世襲

明史劉綎傳參徵獻錄

康承爵字德徵以軍舍寄學中武進士授衛鎮撫歷神機營遊擊清勾羽林軍籍勲戚不敢妄干時魏璫用事力

求外補出守廣東破惠州山寇葉文林海寇劉香等調
廣西參將又平龍山賊胡扶記崇禎初分守台金嚴副
總兵破海寇張宏銘于大陳山又破之于韭山加都督
僉事改分守貴州等處未至國破微服歸乙酉南都陷

七月二十三日承爵於平湖西門外死之

微獻錄參袁志

案海寧衛志康泳本嵩縣人洪武四年以從征功補乍浦所百戶泳卒子弼嗣弼卒子寧嗣寧卒子輔嗣輔卒子綬嗣綬有勇畧嘉靖十三年倭攻乍浦至砂腰戰于白馬廟陣歿子汝賜汝昇以綬死事並襲承爵為綬孫九山志作綬曾孫誤

沈萃楨字君聚與弟杞楨同舉于鄉萃楨以進士授工部主事出督荊州關稅盡革諸小稅名目以羨金築堤禦

嘉興府志

卷五十八

列傳九

三十九

水歷兵部郎中出守蘇州舊派福府白糧詔令協濟五年七運未已竟革不供歲祲饑民肆掠杖斃首事三人乃止陞福建副使紅夷入寇身冒矢石出奇兵撓之五越月就降轉本省參政以親老乞歸為御史曹欽程劾罷初欽程令吳江賊私狼藉萃楨按之如法至是附璫勢報復給事中張國維白其事起湖廣參政不赴再補福建按察使時海盜巨測撫臣屢經論降首鼠觀望聞萃楨至乃相率降尋陞湖廣右布政使歸卒子日昆字以白舉人日晃字以大諸生孫麟太學生浙江通志參徵獻錄
馬鳴寔字國聲以進士知閩縣字民如子因杖輔臣葉向

高家奴坐累改紹興府教授尋知邵武府調河南副使
治河有成績闖賊圍信陽鳴鑼治火器拒守賊退遷山
東參政擢陞尚寶司正卿乞歸袁志
陸懋功字紀常以舉人授南工部主事出知保寧府是時
獻賊已熾州縣多被陷懋功繕治城守增設梁山關敵
臺有捍禦功以杖殺悍卒觸撫臣怒罷歸

毛湛字修之應銓予以舉人就婺源教諭介然自守陞南
京監丞歷刑部郎中奏獄平允邸舍蕭然若寒士卒官
以上徵
獻錄

陸府修字採禹以舉人教諭諸暨創修學宮擢松江府通

判署府事剔除漕弊禁革耗羨陳繼儒爲撰碑記著有

詩文集苧蘿志吳志

陸之祺字筠修以進士授工部主事視學江西拔黎元寬
羅萬藻楊廷麟陳際泰等晉福建按察使入覲陳禦寇
方畧甚悉轉河南道塞荆隆決口著河道備考引疾歸
起補陝西左布政轉山西布政以父瑞銓年老乞養歸
里居四十年周卹族黨無德色有滋樹軒集平湖朱志

陸懷玉字石含以進士授工部主事晉郎中董三殿工竣
例擢京秩因不謁魏忠賢出守鎮江廉靜嚴明郡大治
轉鹽法參政商民戴德建祠尸祝陞山東按察使出死

罪數十人請擢福建右布政謝病歸子祚蕃見下平湖朱志

陸從諭字耳宣幼即研究性理之學以進士授國子監博

士歷工部郎中無子卒貧幾無以殮弟從誥字具評舉

人學業醇至為人師法平湖程志參 平湖朱志

徐在中字楚石以進士歷任工部郎中忤巨璫革職崇禎

初以原官起出知廣州府治通番首犯不貸犯為朝貴

私人銜之中以他事置之法子錦貢生贈靈川知縣孫

吳治舉人官大理府同知吳志

沈君楨字用缶以舉人署瑞安教諭捐俸新文廟海寇劉

香之亂畫策上巡石某用其言平之遷知奉新縣以法

嘉興府志 卷五十八 列傳九

繩宗室觀察使吳某欲籍故都御史帥某家產充餉君

楨以帥名御史無子為其家人誑誤力爭得免調德安

革郵傳供應罷歸徵獻錄 參袁志

孫裔蕃字臨鵠以進士授工部主事出督蕪湖鈔關會璫

欲張甚關差例有餽不與通幾被譴告歸商民像祀之

崇禎初薦起兩淮運使不赴袁志

薛振猷字爾嘉以進士授撫州推官治獄明敏他郡有不

能理者御史輒委之父喪歸以毀卒撫民立祠祀之弟

仲猷字爾順諸生里中稱長者徵獻錄

沈樟字元美少穎悟絕倫弱冠補諸生試輒高等屢困鄉

試入太學選蘇州經歷不赴歸結茅數椽日事吟咏喜

長嘯竹下自號竹隱

平湖程志

陸鏊字味道以進士授刑部主事尋出守肇慶府清市舶抑豪強陞副使佐制府破海寇劉香連徭叛鏊攝巡南韶密移師搗其巢徭懼乞降歷湖廣按察使乞終養歸後流寇四起有建議于夏鎮添設巡撫以鏊為之會病不起著有寶輪堂集

吳志

陸澄原字嗣端以進士授工部主事崇禎改元魏忠賢焰猶熾奏疏皆稱厥臣澄原首斥其名劾之兼糾兵部尚書崔呈秀奪情降旨薄責于是廷臣相踵彈射轉員外

嘉興府志

卷五十八

列傳九

三

遷大理寺副疏參袁崇煥莊烈帝嘉其敢言降密旨令再奏遷兵部職方員外提調武試騎射不中式例間住忌者中以考工法落職甲申南臺建弟濬原為澄原訟冤下獄後論者直之乃出濬原字嗣哲季弟深原字嗣長並諸生國破不復出

徵獻錄案郡縣舊志皆云思宗登極澄原首劾魏忠賢徵獻

錄則云疏參戶部尚書崔呈秀奪情考澄原應詔陳言一疏實崔魏並劾今正之

陸錫明字幼輿以進士授工部主事出知常州府丁憂起補徽州時璫勢羅織民苦重役思為亂錫明盡心力撫定之遷提督江西學政副使以母老乞歸錫明少穎異艾基原手授經史訓以忠孝大節廷對時或諷令謁魏

忠賢正色謝之杭州孤山有遠祖宣公祠豪右改爲書院錫明與兄鏊從子澄原合疏請復徵獻錄參平湖朱志

郭紹儀字汾仲孝子球孫天啟乙丑登進士廷對日魏璫

私人賣珠者諷令一謁可得狀頭笑却之授當塗知縣

行取湖廣道御史時緹騎四出繹騷上疏極論禍幾不

測巡視屯田上條議十二則格不行乞歸著有康濟譜

三續養生論

徵獻錄參 柘上遺詩

楊六府字浩生崇禎時福建布政使陸懷玉以賢良薦授

陵水知縣勸農重學黎人吳春盤據大坡挾居民爲亂

設方畧禽獲巡撫又特疏薦以真儒目之尋病乞歸後

嘉興府志

卷五十八

列傳九

三

八名宦祠

平湖 王志

屠象美字幼繩以進士授行人對策稱旨改翰林院檢討

東宮講讀疏薦倪元璐李邦華等三十七人尋罷歸乙

酉五月糾衆守郡城城破爲亂兵所害

徵獻錄

馬鳴雷字國威靖江訓導值亂歸乙酉七月命家人悉避

去城陷獨坐於堂遇害

橋李 詩繫

陸又機字衡如以貢知日照縣民貧竭力撫字有徭役則

計畝均出富豪毋得免乞歸父老遮道皆涕泣著有尙

書集解龍溪龍湖語錄子上瀾別見

平湖 朱志

秦宏忠字恕先以貢授紹興府訓導遷知通道縣苗獠偵

富室新塋發棺攫其首要贖宏忠嚴禁人贖患遂絕山僻士貧每試鄰縣以賂竄籍宏忠在事人不敢干以私苗稅十年一徵縣令統兵往苗苦擾宏忠攜一僕開誠勸諭苗皆感激旬日而畢歸卒于道

徵獻錄

陸燦字振玉崇禎甲戌進士授濟南府推官釋殊死重囚七人輕罪數十人監生宋玉鉉兄弟坐盜久繫屢叩登聞不得白燦廉知真盜在廠獄請覆鞫釋之戊寅十二月

大兵破居庸關南下山東大震巡撫顏繼祖卒師次德州城中兵已調發過半文臣相與嬰城固守明年正月城陷

嘉興府志

卷五十八

列傳九

三

燦死之妻孫氏妾王氏及子凡同死者三十七人

國朝乾隆四十一年追謚節愍

平湖朱志參純翁類稿勝朝殉節諸臣錄

陸清原字嗣白光祚曾孫以進士授增城知縣鄰縣山險

多盜清原先揭示禍福一日單騎抵賊巢賊震懾請命

按籍散遣壬午召對陳時政十事上嘉納之擢雲南道

御史浙江白糧北運累民疏請官解報可又條上安攘

七議出按福建道經淮安疏言史可法兵單根本重地

恐不支請援師悉畱淮上聽可法調用不報巡按福建

行部至漳漳故多山寇清原廉得奸細在城者絕其內

應募壯士七百人從間道破之禽其渠魁甲申

守清原捐貲備甲仗募兵三千請身討賊疏再上爲馬士英所格乙酉復命中途聞金陵陷慟曰某不獲從倪范諸臣殉先帝者以奉簡書在外也今已矣天下事無可爲清原故閩吏當還求死所耳乃間道入閩從唐王授都御史上疏言閩越唇齒宜亟餉越卽命清原度嶺犒師遇馬士英面責之士英怒遣部將趙體元進見猝起拔刀斫清原墮三指幽禁舟中

大兵渡錢塘士英先一日遁兵潰營弁沈起龍毛有備強清原起清原曰越亡閩必不守去將安之遂赴江死年四十有二

嘉興府志

卷五十八

列傳九

三五

國朝乾隆四十一年追謚忠節子若禾字元祚諸生痛哭覓

父遺骸哀慟動行路

明史綱目三編參徵獻錄平湖朱志

陸士鉉字古雪八歲能詩性至孝母喪水漿不入口以歲

貢生授訓導甲申聞變大慟絕粒死我

朝乾隆四十一年入忠義祠

勝朝殉節諸臣錄

馬嘉植字培原進士授武進知縣縣賦繁重糧長害尤劇議變爲圖收任輕而役均漕兌軍丁多耗外邀索痛抑之至露刃鼓噪不爲動陞吏科給事中尋督江西福建餉馬士英嫉其亢直外補廣東道卽謝事歸葺園于湖湄曰東臯後祝髮村居自號鐵雪道人苦節十數年卒

子輝曾字學山有三湘燕趙遊

江南通志參
橋李詩繫

倪長圩字伯屏崇禎丙子鄉試第一旋第進士授蘇州推

官抑豪強鋤奸猾與太守陳洪謐恩威互濟士民立雙

清書院祀之署嘉定知縣有惠政民為建報德祠轉兵

部主事甲申落職後補武選司主事乞休乙酉聚土兵

為守禦計未幾縣城破乃薙髮為僧入奉化山中

江南通志

參徵
獻錄

金和字燮之進士父德普福建通判和初授溧陽知縣漕

兌有遼米練米襄米諸名倡為合兌法民便之調山陽

縣多水患舊例修河費解京口遇河決詳支多濡滯和

吳府志

卷五十八

列傳九

三

請添設山清廳同知專司出納乃得隨決築

平湖朱志

錢士馨字穉農貢生少讀書化城庵研究經史遇異義輒

錄於冊崇禎壬午遊南雍尋入燕公卿爭延為上客士

馨厭薄之人目為狂生賊犯京師中允李明睿密請南

遷士馨語之曰賊盡得關陝晝夜行四五百里若繞出

畿南以抗警蹕公將何辭以謝天下又曰不如死守以

待勤王之兵而遣太子南行以繫人望李難之京城陷

士馨匿跡樵採已復往來河朔間交其豪傑曾偕五人

走慶陽薄暮五虎躍出土馨曰不盡殺何以見諸君勇

乃人發一矢當者立斃一少年中虎額入尺許虎入林

莽中追割其舌以還投旅店呼酒晏樂舉杯屬少年曰發矢不中要害請受罰後奔走無所成以死生平工古文詞兼精書畫著有古文易周禮說周禮答疑冬官補亡儀禮說禮記申或王制月令緇衣中庸等說春秋志

禮續越絕書 浙江通志參 樵李詩繫

沈中柱字石臣口吃不能言熟于左國史漢為文縱橫闔闢數千言立就以進士授江西吉水縣知縣時大江左右歲禮中柱請減租蠲稅格不行復鄒元標所創書院黃道周以言事下獄力救之罷歸明亡為僧名行燃號無淨搆懷木庵奉父隱其中著有懷木庵稿問道錄弟

嘉興府志 卷五十八 列傳九 三七

中琛字獻臣從劉宗周黃道周遊有抱一軒稿 平湖張志參明

詩綜

國朝

陸濬睿字以愚明兵部侍郎長庚孫以舉人授宣府推官出死囚三人按悍弁徐洪志擅斃平民罪忤撫軍投劾歸以子業累 贈內閣學士兼禮部侍郎子世楷業並

見下 平湖朱志

施洪烈字仲芳以貢授欽州知州時粵疆未定流寓五羊城授徒不給以詩見重藩邸一日張宴羣吏紛集王曰今日非宴下吏宴詩人施欽州也署程鄉除里長供應

費修復七賢書院既抵欽招輯流亡榜軍中所掠子女
姓氏於衢俾眷屬領歸壤接交趾山海寇交訌綏輯帖
然尋陞松江府同知守正不阿忤上官罷歸有粵遊觀
海天中諸集洪烈少時嘗鬻田數十畝贖故友妻子還
里父傑子大義並有長者目

平湖朱志參
檇李詩繫

陸世楷字英一長庚曾孫以拔貢授平陽府通判姜瓖亂
圍平陽固守百日旋誘降其魁釋其黨大饑人相食爲
粥濟之遷登州同知海寇猝至設守具督舟師逐退之
有嫠婦夜被盜殺鄰里坐其子婦有所私致殺姑察其
冤禱于神卒得殺人者陞南雄知府時百粵初平平南

嘉興府志

卷五十八 列傳九

三

靖南兩藩王並駐廣州羽檄屬道部將一日箠死七人
世楷馳見帥正其罪平藩侍衛入山發民鑿礦世楷往
詰曰王役民不使太守知詐也縛送王王不敢問有僧
倚藩勢爲虐杖斃之以艱歸送者遮道立祠祀起補思
州大旱斗米二千錢停徵稅民感輸者過半病乞歸著
有越吟晉吟齊吟種玉亭詞踞勝臺詞思州府志子奎

勲見下 浙江通志參
曝書亭集

馬紹曾字覲揚明太常少卿德澧孫以進士授翰林院編
修主考江南徐元文汪琬秦松齡莫大勲等皆出其門
轉山西岢嵐道副使陞福建督糧道參政時閩方用兵

徵調如織兼攝水陸驛傳鹽法諸司總督李率泰以爲能擢河南按察使累陞都察院右副都御史晉戶部右

侍郎 平湖 未志

鄭龍光字兩爲 廣東名宦 冊作韜生 以進士守南雄嘗履畝省荒過

五羊嶺有虎負嶠衆莫敢進龍光曰昔劉昆爲治虎北

渡河是虎獨不知太守以勸農至哉驅之虎遁去以二

僕隨客投謁無所拒然清峻莫敢干以私盜踞黃石寨

肆掠會兵勦之劾逐墨吏十數員擢西寧副使 浙江通志 參平

湖朱 志

倪籥元字府一以進士知蘄水縣捐俸代償積逋不善事

嘉興府志 卷五十八 列傳九 三五

上官尋罷歸從兄聖生杭州府教授有金某繆某受李

自成偽職三學諸生憤遂訴之當事命察三學人姓名

聖生不報挂冠歸 平湖 朱志

陸光旭字鶴田以進士授保定知縣值大水光旭築堤捍

之民呼陸公堤歲饑捐俸賑濟署中食或不給擢陝西

道御史奏請免霸州文安保定三州縣荒地錢糧畧曰

自順治十年間渾河南注從霸州城根達東洶渾波所

過三處之地皆成水府臣初任保定縣嘗艤舟從保定

至霸州見浩漭無涯荻蒲連渚三州縣困苦窮民每環

聚而泣訴曰此卽在昔桑麻衣食之畝畝也此卽於今

歲徵季納之錢糧也此卽十年來賣妻鬻子賠累無窮之谿壑也臣目擊其狀不爲呼籲請命非所以仰承皇上軫恤災黎至意時議罷巡方光旭復上疏言臣計今大小諸臣內之所不便者惟言官外之所不便者惟巡方有言官而大奸大惡得以上聞有巡方而汚吏貪官不時參處而諸臣必欲去之當必有故如以人有不肖也則當去其人何以去其官如以法有未善也則當更其法何以廢其事奏入

章皇帝優容之尋遷分守冀南道獄無冤繫聞保定水復決遣使齎金給窮民保人立祠祀之乞養歸起補江安糧儲

嘉興府志

卷五十八

列傳九

四

道著有屈亭遺稿畿輔通志參平湖朱志

沈棻字子佩以進士授西平知縣歲大歉民多流亡棻設法招徠給牛種諭以歲豐取償免其息墾荒地數百頃又許以布粟代稅卽束麻擔草亦計值納之歲募河夫多逋逃乃按貧戶之逋稅者充役民喜得食且以工價完逋率爭先赴工以勞瘁卒官士民建祠祀之著有柏亭稿西平縣志子季友見文苑平湖朱志參檇李詩繫

楊萬基字御青以貢任縉雲訓導釐定孔子廟廡祭品復

朱子祠田署雲和教諭整飭士習卒官平湖張志

陸標錫一名元字叔因性寬和生平未嘗有疾言遽色與

人交坦直無城府見義勇爲族女有蒙難者斂貲贖之
順治間士子沿明季舊習互相標榜標錫嘗述海鹽吳
忠節麟徵語訓其子隴其曰居官不入黨秀才不入社
便有一半身分又嘗云貪與酷皆居官大戒然貪而酷
人皆知惡之若自恃廉謹而刻以繩人人慕其風節競
相倣倣禍不可言矣居嘗教子弟必令篤實務本子卒

成大儒贈靈壽知縣 平湖朱志參
三魚堂集

陸洽原字嗣開以拔貢授汶川知縣汶故羌番錯處復遭
張獻忠殘殺民盡逃亡洽原招徠勸耕省徭息訟丁艱

歸著有話山集 吳志

嘉興府志 卷五十八 列傳九

聖

陸楸字林士以貢授盧龍知縣莊旗人例不得用笞杖乃
削木槌槌之兵弁有強買者輒捕治咸肅然帖服官署
蕭瑟如禪寮以慙直忤上官被劾卽步行出署行李惟
來時做篋書籍而已楸於經史無弗究詩文峻潔性狷
謹卽卑幼之喪未嘗或忽終身無疾言遽色著有鵲亭

集行世 畿輔通志參樞
李詩繫受中錄

陸瑤林字以攻以進士授金谿知縣慈惠尙德化丞陳某
逋公帑繫獄代償得脫又爲貧民償積逋乞養歸著有

聽松軒詩集

邵廷齡字大年以進士除內閣中書逆藩吳三桂反西南

用兵同官某當隨征延齡以其母老請代參畫軍事多
中為靖逆侯張勇陳平蜀方畧勇悉資之終刑部郎中
著有耐軒稿以上吳志

倪思恂字宏方由貢任金溪丞耿逆遣偽將圍金溪躬率
民兵捍禦仗劍先驅死之祀名宦平湖高志

楊燦字葵齋以進士知清豐縣時征蜀兵駐郊外燦營芻
芟絕不累民有孕婦驟死莫得致死者燦齋宿城隍廟
夢兩月在天一婦抱嬰兒哭訪拘李閏月者一訊伏罪
入為御史疏陳祀事之重糾陪祀九卿又請廣正途遴
選以母老乞歸吳志

嘉興府志

卷五十八

列傳九

四

倪淳字東岩舉人持身甚嚴不苟言笑制藝一準先民平湖

張志

陸萊原名世枋字義山長庚曾孫進士舉鴻博授翰林院

編修主福建鄉試直南書房出五臺金蓮花限韻賦

詩立奏稱

旨尋召翰詹八十九人試以豐澤園賦理學真偽論

上親擢第一遂由官贊陞內閣學士兼禮部侍郎長至奏勾決

出矜疑二十餘人乞休著有雅坪文稿十卷詩稿四十

卷浙江通志參毛西河文集

陸隴其初名龍其字稼書以進士知嘉定縣地衍沃民習

奢而貧隴其以節儉先之有訴子不孝者隴其泣下曰
我德薄無以化使汝父子至此乃大感悟父子相持泣
遂誠而遣之其聽訟以至誠感格多類此期年民無投
訟者胥役半易業去父老相聚而言曰如此好官建縣
以來所未聞間以事出行老幼夾道拜跪輒曰聖人聖
人尋以盜案落職民罷市三日赴撫軍所聲其冤去之
日扶老攜幼執香攜酒楹捧鞞者數萬人攀號之聲徹
天各鄉爲位旌幢鼓吹迎歸以祀凡兩月乃已左都御
史魏象樞以天下第一清廉薦起補靈壽力爭派運驢
車得減役勸民耕荒不報聞起科審丁不增額行鄉約

嘉興府志

卷五十八

列傳九

聖

親爲講解賑飢露宿村落不遵府檄限額以廷臣交薦
行取臨行猶以不便民者數事請除之民泣送如嘉定
授四川道試監察御史疏言畿輔沿山州縣荒多熟少
數年來

皇上加意撫綏鳩鵠之民得苟延殘喘上年被災初奉

諭槩予蠲免後因部議分別不准槩蠲徵新帶舊非積貧之民
所堪疏入

敕部仍遵前旨湖廣總督以巡撫于養志在任守制題請隴其
疏言在廷諸臣沐浴

皇上孝治中何難一言斷其不可

朝廷一日所行天下萬世奉爲法程若因督臣題請而畱皆將以爲例其不思僥倖奪情者鮮矣名教綱常關係非淺

上覽疏卽以順天府尹王樑代于養志後以連疏力爭捐納保舉不可行忤衆意識革職

上特宥之尋以試俸期滿外調歸越二年

上欲用爲學政而隴其已卒

上嗟悼良久隴其爲學一準朱子充養完粹嚴陽儒陰釋之辨剖極豪芒謂必如是而後是非明學術一人心可正風俗可淳嘗銘其座右曰天下後世待汝治其自任之重

嘉興府志

卷五十八

列傳九

四

如此著有三角堂集困勉錄問學錄等書祀江南名宦雍正二年奉

旨從祀孔子廟庭乾隆元年追謚清獻贈內閣學士兼禮部侍

郎

浙江通志參
行狀年譜

沈宏勳字又召以進士知吳堡縣請緩徵輕徭均役勸農課士勞卒官趙光緒字襄孫以進士知寶雞縣在任八年囹圄時空行取道卒倪淑則字貽孫貢生王素行字繪先諸生金廷焯字旭昌諸生陳榮樟字楚材諸生以曾孫嗣龍 贈編修曹宗柱字星佑諸生皆陸清獻弟子淑則從學最久受小學近思錄等書恪守躬行廷焯榮

樟宗柱皆以孝友稱素行家極貧讀書道院日惟噉粥
隆冬猶擁葛衣志節堅定闇然爲已謨清獻年譜宗柱
參訂三魚堂諸書與清獻子宸徵金山李鉉重輯年譜
後吳光西復加編次知府吳永芳梓行宸徵字直方監
生其兄定徵字儼若有志操清獻嘗謂其漸知聖賢門
路早卒

吳志參平湖
張志王志

高士奇字澹人由諸生入太學以書法稱

旨注翰林授詹事府錄事歷陞少詹歸里尋

召赴史局又以養母假歸晉詹事復卽家拜禮部侍郎兼學士

士奇性耽書凡祕府典籍悉資討論才情敏妙侍對詩

嘉興府志

卷五十八

列傳九

四十五

文應聲立就縣有馮氏舊圃構江邨艸堂居焉事母至
孝居鄉謙和妻歿終身不畜姬妾卒謚文恪著左傳紀
事本末松亭紀行扈從西巡日錄江村銷夏錄編珠補
遺等書外詩文雜著二十餘種凡一百六十餘卷子輿

軒輿見下

浙江通志參
平湖高志

陸祚蕃字武園以進士授翰林院庶吉士陞雲南道御史

時議蘇州設駐防滿兵祚蕃上疏畧曰無事之地多設
一兵則要地之兵力分而又爲之移節往來使士卒有
奔命之苦地方有供應之繁則不特兵分而餉亦絀省
一無益之兵卽省一必需之餉省一處無益之餉卽可

養一處有益之兵奏入

詔報可尋又上歲終核實疏遷登萊參議察冤獄翦豪強止開

礦補貴州糧驛參政值安順兵變單騎定之著有淳意

齋草粵西偶記子鼎揆戶部員外

吳志

談允誠字孚上以進士授內閣中書出守鎮江地當南北

孔道兵民雜處允誠律以至公姦豪屏跡嚴絕苞苴風

節矯然子紹芳舉人

浙江通志參平湖高志

曹志周字微之以進士授南江縣課農桑勤開墾又設義

學日與諸生相切劘終工部主事

陸炯字石年幼孤事祖母暨母孝叔貧有幼子寄養他氏

嘉興府志

卷五十八 列傳九

吳

攜歸撫之年六十成進士知太谷縣陞御史巡城內監

騎馬入公署指稱銜貴戚諭炯械之奏請置重典

以上吳志

邵鳳起字蒼馭以舉人授歙縣知縣有以謀財致殺控者

訊之莫得埋尸處翼日以公事過南山下見鴉數萬飛

鳴團集不去隨於其處掘得尸遂伏法再補廣東增城

兼攝順德治行一如在歙縣

張志

沈岷字撫辰以舉人任鎮海教諭捐捧修舉學宮子之鉞

以舉人授羅次知縣便宜出倉粟賑饑全活無算卒官

吳志參平

湖張志

沈岷字玉山以進士知徐溝縣有貧民投牒以子客死欲

嫁其婦婦至涕泣願終守岷給俸令勿嫁越三日客者歸內陞戶部員外著有味菜山房集禾圃詩餘吳志

馬煥曾字學海以貢選湖北布政司經歷楚督標裁兵兵據城亂逼死重臣煥曾乘賊兵出行汲微服遁晝夜徒跣抵上蔡飛羽轉報復奔河南巡撫痛哭乞師得及期

會勦陞南安知州平湖高志

馮千英字序皇以進士授荔蒲知縣洞猺肆掠入重險諭降之悉歸所掠子女請立堡捐山田募土著耕守禁俗私復讐丁憂起補太康河溢憐民遠役卽工所僱築葺先賢陳子禽高子羔祠貯五經子史性理等書令諸生

肄業親為講解卒官平湖高志

屠肇臨字臨宜以貢任太平教諭力端士習尋乞歸授徒以古誼接引後進病亟戒子孫治喪不用浮屠平湖張志

高興字與亭以進士改翰林院庶吉士授編修奉

命卽家校刊佩文齋咏物詩選及淵鑑類函書成補原官尋奉旨纂駢字類編未竣卒與慎重謙和不立崖岸好施與戚友待

以舉火者甚眾著有谷蘭齋集子嵩別見孫澍字說霖諸生官鹽大使署陝西靖邊知縣修棧道建養老書院卒官從子衡字南岫以續成駢字類編補行人擢刑部主事出為福建糧儲道以清勤著吳志參平湖張志

胡紹安字國期以進士授武清知縣捐俸鬻已田償供應
免紅剝船變價諸累雪冤獄修學宮卒官祀名宦

馬焜字怡齋父嘉棟字楚臣諸生焜以進士授邱縣知縣
歲饑勸賑寬徵行取不赴著有古今文集以上平湖高志

盧生甫字仲山父開顯字備人生甫以進士知山東定陶
縣值軍需供應纖毫不以累民尋擢知州內陞刑部郎
中出知遵義府民有兄弟爭產者訟數十年生甫曰吾
兄弟雖有產誰與其繼之以泣民感動相讓著有孝經
注讀律質疑東湖乘受中編

顧麒錫字作三父天健績學攻苦著四書一貫講義麒錫

嘉興府志

卷五十八

列傳九

四

以舉人除當塗知縣緩賦恤民困善析疑獄同榜舉人
胡馬琛字近顏知高明縣興學校勤撫綏持法不畏強
禦卒官友人張可大爲扶櫬歸以上平湖張志

金南鎮字夏聲諸生嘗校刻沈季友構李詩繫行世朱檢
討彝尊稱爲時賢所難以貢授工部屯田員外監督南
新中南兩倉高安朱軾以清慎薦陞刑部郎中出爲陝
西驛傳道以直忤上官尋告歸孫樹屏字玠堂以監生
任衛輝知府河決編竹筏渡民設粥廠以賑罷歸起補
保定府通判卒官

施宗遠字廷樞幼孤育于祖母楊以舉人知湖廣羅田縣

縣多盜設法禽其魁餘黨斂迹暇輒進諸生論文藝詢民利病乞休士民祖送數百里外

鍾彝字尚殷以舉人授黃安知縣治民不用鞭扑絕苞苴別姦蠹歸仍授徒自給有賓實叢書蘿村雜誌夷白堂詩稿粵西漫遊集

以上平湖高志參張志

陸奎勳字聚緱好學博覽工文辭侍從父閣學業於京師名噪公卿間年五十八始舉於鄉成進士授翰林院檢討大學士白潢欲特薦固辭尋乞休爲人寬厚不爲峻削之行文辭如其人好接引後進於里中結洛如詩社一時風雅振起著有陸堂易學詩學今文尙書說春秋義

嘉興府志

卷五十八

列傳九

四九

存戴禮緒言魯詩補亡陸堂集所纂輯江西通志浙江

通志

平湖高志參蘭玉堂集

陸綸字懷雅奎勳次子以舉人授內閣中書出爲梧州同知巡撫金鉷延修廣西通志欲以博學鴻詞薦固辭擢永州知府值苗警大軍屯武岡水陸供應不絕善爲裁酌以寬民力丁艱起補梧州俗以壻爲子寡婦多贅夫於家往往爭產構訟綸反覆啟其廉耻俗漸革霑雨壤民居捐俸爲葺茅蔽之字民慈愛多類此民稱爲佛子著有允齋詩集子誌字心之嘗捐貲贖宗祠官福建清流鐵石磯巡檢卒官貧幾不能歸櫬

楊翊時字木臣少孤依兄標讀書以舉人除兩淮斜角場
大使遷四會縣知縣俗奢矯以節儉吏民化之年老改
鎮海縣教諭

馮巨欽原名鈿字愚堂千英子以舉人除南部知縣縣多

咽喉子好鬪訟為民害巨欽威德竝施乃戢修學官創

義塾上官重其廉能委署保寧鹽茶同知卒官以上平湖張志

張鍾秀字鴻漸以進士授孝感知縣首重文教朔望集諸

生課學尋罷職總督邁柱令輯湖廣省志稱精核復襄

陽知縣署知府未幾卒著有過耳集詩稿平湖高志

陸培字翼風以進士授東流知縣水災請緩徵撫卹周至

嘉興府志 卷五十八 列傳九

五

山溪捕魚者夜斃于石莫得兇首培招眾子食察左手

食者目動一訊即服署貴池釐剔胥役侵蠹嚴捕盜法

俸入分餽故鄉貧戚罷歸貧甚僦屋以居工詩詞仁和

杭世駿錢塘厲鶚皆相推重著有白焦詞四卷子錫周

字魯東舉人

陸汝欽字恪庭以進士授湘潭知縣巨豪為暴廉其實置

之法改溫州府教授以憂歸養殮不繼杜門課子晏如

沈廷陞字廉叔以舉人除奉化縣教諭陞綿竹知縣收納

谿歷有清操中年喪偶不娶敝帷木榻官舍如僧寮著

有硯還齋詩存

林鏞字御驤以舉人除福建鹽課大使補海澄知縣俗桀悍鏞撫馭有方創儒山書院以振士風改青田教諭勤於造士鄰縣有好學者亦招致之卒官

吳嗣爵字尊一其先錢塘人祖之錡遷平湖嗣爵以進士授禮部主事改吏部累陞淮揚河道洪澤湖決總督高晉議開天然壩嗣爵曰於減漲誠便然如下河郡縣百萬生靈何持不可遷淮徐河道徐州黃水大溜直逼徐家莊居民倉皇謀竄時大風雨嗣爵躬率吏鳩工堵築撤蓋端坐堤上當其衝屬吏惶懼勸退不顧逾時溜勢仍歸中泓若神助然擢河東總河調南河徧閱江淮及

海口加築臨黃縷堤疏濬雲梯關舊口治清口東西壩高堰奏移建頭架於第五木龍下以護新灘使黃水直逼陶莊清水抵惠濟祠後未幾清黃盛漲徐州城得免潰決嗣爵復於傅家窪導入唐家灣疾殺其勢二日平一夕風雨暴作黃水泛濫嗣爵急集船濟民登高阜給蘆蓆棲止開倉賑卹晝夜出入泥潦間遂病肺嗣爵治河久全河形勢瞭若指掌而臨事審幾明決不爲浮議所奪故屢施奏績轉吏部右侍郎尋告歸卒

張鈞字廣朋幼好學夜燃燈帳中讀書帳盡黑以進士分發江南補金山知縣移清河歲饑設賑躬親巡視蝗災

亟撲捕禱于神一夕驟雨驅蝗入海歲以有秋病乞歸
賈三登字庸埜少孤家貧以吏員授安徽涇江巡檢民有
訟開誠勸化未嘗行杖衛軍與民訟蘆地勘實歸諸民
請立社倉添防汛省徭役凡有益於民條之上官無所
忌乞歸民泣送數十里祠于狄梁公廟廡歸里後親知
不能婚葬者常典衣伙助

翁維正字寧文幼醇篤研究性理語類諸書以歲貢除長
興訓導日坐明倫堂與諸生論學學田爲豪右佔請上
官復之以贖寒士

許時杰字德超三歲孤母朱撫之成進士授福建邵武縣
嘉興府志 卷五十八 列傳九 五
知縣請免虛糧整理樵川書院捐建拿口橋捍禦黃源
虎患卒官

屈學洙字東萊由監生仕至雲南大理府通判初入滇道
經黃平州值苗警從者皆股慄學洙單騎馳至署整飭
備禦尋以解糧染瘴卒江寧旅次祀名宦

以上平
湖張志

袁珂字雪巖其先華亭人祖國梓官嘉興府知府父勲遷
平湖珂以貢生由正黃旗教習授河南儀封知縣儀濱
大河歲派夫挑築珂力陳得免建議鑿井灌田詳明漕
項免徵本色署睢州斷治縣豪殺人二獄時以爲神引

見條奏兩河利弊甚悉陞陝州知州濬河溉田逾年免歸民遮

道泣送其後河南饑刑部侍郎王士俊奉

詔發粟命珂專司賑事兼墾光山縣荒地數萬畝授兵部員外

歷刑部多所平反擢山東兗州府知府改陞工部郎中

乞休道卒弟頊字衷翼工詩善書官裕州知州嗣子鑄

由監生選授衡陽知縣

平湖高志參
平湖張志

程本敏字秀山以貢授梧州通判歷署興業知縣象州知

州攝守梧州民苦浮糧丈地清之擢宣化府同知杜苞

苴戢姦宄西陲用兵以辦軍需紀功乞歸養

李青字仿蓮以進士授普寧知縣歷陽江欒城勸農興學

設畱養局賑粥撫綏流民以勞卒官

嘉興府志

卷五十八

列傳九

三

胡涵字太初以舉人授內閣中書出爲廣平府同知改河

西務地爲南北水驛衝衢調劑無缺暇賦詩自娛貧不

顧卒官

馮廣譽字叔颺以進士除容縣知縣甫至有袖金謁者卻

之每夜躬自巡邏遇宦家子挾妓博者懲治不少貸建

書院以興文教年老改處州教授修學宮勤講課歸貧

甚未嘗一干有司

錢大經字虞惇父許淳布衣授徒以給大經攻苦力學乾

隆丁丑以進士選翰林院庶吉士散館授編修卒官

以上

平湖
張志

顧天挺字松來以進士知滎陽縣釐剔豪強侵佔以均田賦歲饑捐賑軍役不以擾民內陞中書乞養歸時從陸清獻講學校刊學部通辨清獻稱其有衛道功

袁安字石庵以進士知興化縣署荆溪有程氏奴自殺其子誣其主讞成繫獄安至察其冤置奴于法尋以病歸
祀名宦

徐鴻昇字鳳苞以進士授寧鄉知縣縣豪賂結官長爲民害鴻昇至豪以千金饋拒之後廉得其殺人狀伏誅益陽水災往勘撫卹周至會逸囚落職生平耿介自守家居四十年不謁官府

嘉興府志

卷五十八

列傳九

五

陳朗字太暉以進士授刑部主事陞郎中出守撫州俗好私謁朗悉謝却接僚佐和易不拘禮節及鞫事侃侃與上官爭不少假葺興魯書院以學行矜飭士習一變丁憂歸卒著有青柯館詩鈔

沈初字景初明江西參政煉之後以

召試授內閣中書成進士授編修累陞禮部侍郎調吏部遷左都御史授軍機大臣改兵部尙書兼署吏部復改戶部賜紫禁城騎馬一主鄉試五任學政一知貢舉一充會試副總裁歷三通館

實錄館副總裁卒官

賜祭葬謚文恪初本生父發別見嗣母陸初事之孝家事至老
不敢專少工文辭同郡錢陳羣長洲沈德潛皆以大器
期之既通籍

內廷事

兩朝三十餘年著有

御覽集蘭韻堂詩文集

以上
新纂

嘉興府志卷五十八

嘉興府志

卷五十八

列傳九

五